

Transkription von Urkunde HAL 1367a

Ort, Datierung: Halle, 1367-04-21

Signatur: Stadtarchiv Halle, II, Urk., 43 U 1 Nr. 43 [\[online\]](#)

Inhalt: Busse von Wydzerode: Soldverpflichtung gegenüber Stadt Halle

Ik Busse von Wydzerode beken(n)e openlicken , in dyssem brieue , Dat ik me , den Erberen Lüden den / Burgern von Halle twischen hir vnd sente Michahels daghe , die nv erst tũkomende wirt tũ / dýnste gedan hebbe , also dat ik ȝn mit twintich manne(n) gewapent bynnen der tyd dýnen / schal vnd komen , wenne sý , dat von me eysschen , achte daghe tũ vorn , vnd af sick dat / vortoghe , eynen dach ȝder twene , dat schal mý nicht stan tũ varen , Vnd wan ik vnd(e) dý / mynen , vd miner Herberge ryden , so scȝllen dý vorgn(an)ten Burger(e) me vnd(e) den mynen / vor schaden sten vnd wedder in myne Herberge tũ komene , vnd wan ik ȝn kome , alze manigen / man ik ȝn bringe , alze manich schot gross(chen) smales geldes scȝllen sý , me tũ vorn gheuen , vnde / des geldes hebben sý me vyf schot riede(n) wol betalet , Ouk scȝllen sý me , vnd(e) den mynen / Brot vȝder vnd hufslach gheuen , nicheyne pantequitu(n)ge scȝllen sý dȝn , Ouk schal ik vnd dý / mynen , dý tyd ouer by ȝn blyuen , af sý dat hebben willen , vnd wie scȝllen vns von ȝn bynnen / des nýmande then laten , noch wedderropen , Vnd wiere dat wie ses weken oder min by ȝn / bleuen , so scȝlden sý vns haluen solt gheuen , bleue wie auer bouen , ses weken , vnd(e) endorften / sý vnsir dar na nicht tũ dyenste , welke tyd dat were so scolden sý vns(en) vȝllen solt gheue(n) / io dem manne vyf schot gross(chen) smales geldis , Wiere ok , dat ik oder dý mynen in orem dýnste / an perden ienigen schaden nemen , des got nicht enwille , so scȝlden sý twene man kiesen vnd(e) / ik twene , wat dý viere sý vm(m)e die perde hieten dȝn , perde vm(m)e perde , oder riede gelt / dar vor tũ gheuene , dat scȝllen sý dȝn , vnd sick nicht dar wedderleggen , Tũ eynen wet/licken orkȝnde , alle dysser vorbeschreuenen rede , hebbe ik min yngesegel an dissen brief / gehenget , Na Goddes gebort Dretteynhundert iar In dem sovenvndsestigesten Jare . Jn der / mýddeweken in den Osteren , /